

Jolōt in Niknik an Doulul eo an Kōrā ro

Būreejtōn Henry B. Eyring

Rikakpilōklōk Kein Kajuōn ilo Būreejtōnji eo Kein Kajuōn

Bwebwenato in Doulul eo an Kōrā ro ej ļoqk ilo naan im nōm̄ba ko, ak jolōt eo ej etal jān bōro nān bōro.

Ij kam̄oolol kōn aō pād ippami jotenin. Ij kwaļoqk nān kom̄ iōkwe eo im kam̄oolol eo an Būreejtōn Monson im Būreejtōn Uchtdorf. Jān pedped eo an ilo 1842, Doulul eo an Kōrā ro kar kōjeraam̄an jān kōm̄anm̄ōn im iōkwe in lale eo an rikanaan eo an Anij. Ilo jinoin ilo Nauvoo, Joseph Smith kar katakin ritōl ro im ro uwaan rekar kobaļoqk.

Ilo an jeļā bwe kom̄ij bōk bwebwenato in eaiboojoj, ikar eņjaake eddo eo an karuwainene in jān Būreejtōn Monson nān kōnono nān komi. Ilo juōn iaan kweilōk ko m̄oktata an kōrā, Rikanaan Joseph Smith kar kabwilōn Bisop Newel K. Whitney ilo an kajjitōk ippān nān kōnono ilo jikin. Bisop Whitney ekar ba bwe ekar tōpartok ilo m̄ōņōņō nān wōt katakin jān Rikanaan eo. Ij meļeļe eņjake ko *an* kōn an jab ju buruōn—im bōlen ami make.

Im ikar kajjitōk ippān Būreejtōn Monson ilo aō kar kōpopo nān awa in ta eo ej eņjake emaroņ ļap an jipaņ kom̄ nān roņjake. Men eo ear ba kar kapene bwilōn ko me rekar itok ilo aō ekkatak im jar kake.

Inaaj kōnono nān kom̄ jotenin kōn jolōt eo eļap ro rekar pād m̄okta jān kom̄ ilo Doulul eo an Kōrā ro kar lelaļtak nān kom̄.

M̄ōttan pedped eo rekar likūti nān kom̄ me ippa elukkuun aorōk im ejjeļoqk jem̄loqk in ej bwe iōkwe em̄ool ej pād ilo būruwōn kōrā ro im ej itok nān deļoņe bōro ko, nān erom̄ m̄ōttan piktokin, in aolep ro uwaan. Meļeļe in iōkwe em̄ool nān er ekar ļapļoqk jān juōn eņjake in meanwōr. Iōkwe em̄ool ej waļoqtok jān tōmak ilo Irooj Jisōs Kraist im ej juōn jelōt in Pinmuur eo An eo ej jermal ilo bōro ko būruwōn ro uwaan. Elōn kumi in meanwōr ko an kōrā ro rej kōm̄an eļap em̄an. Elōn ro ewōr aer eņjake ko relukkuun kajoor kōn juoj im būrom̄ōj kōn ro rejoda, ro renaņinmej, im ro raikuj. Bōtaab doulul in ej make wōt an em̄an im āindein kar jān jinoin.

Ilo pedped eo raar kōm̄mane, jejtōr ro rem̄an raar kwaļoqk “iōkwe eo em̄ool ejjamin jako”¹ ilo jentōr eo. Eaar jipaņ er ilo jinoin, eaar jipaņ er ilo iien ko reļļap tokālik, eaar jipaņ er kiiō ilo juōn iien ekāāl, im enaaj jipaņ Doulul eo an Kōrā ilo aolep iien kein repād im̄aan. Doulul in ej koba in kōrā ro me eņjake ko aer kōn iōkwe em̄ool ej itok jān bōro ko rej oktak jān aer kajjeoņ nān im kōjparok bujen ko kar leļoqk wōt ilo Kabuņ eo em̄ool an Irooj. Eņjake ko aer kōn iōkwe em̄ool—ej itok jān E kōn Pinmuur eo An. Kōm̄an ko aer kōn iōkwe em̄ool ej tōl jān waanjoņak eo An—im ej itok jān kam̄oolol kōn menin letok in tūriam̄o eo An ejjeļoqk jem̄loqk in—im jān Jetōb Kwojarjar eo, eo Ej jilkintok nān jipaņ rijerbal ro An ilo mijen in tūriam̄o ko aer. Kōn menin, rekar kōm̄mane im rej maroņ kōm̄mane men ko rejjab ekkā aer waļoqk nān ro jet im nān lo laņlōn meņe aikuj ko aer reļļap.

Bwebwenato in Douluul eo an Kōrā ej obrak kōn ļoḡk ko rekabwilōnlōn in jab jermal nān er make. Ilo raan ko reppen an eñtaan im makunļoḡk ilo an ritōmak ro emḡmakūt jān Ohio nān Missouri nān Illinois innem kijoone āne jemaden nān rilik, jejtōr ro ilo aer jeramōl im aer būromōj kar kea kōn ro jet. Kwomaroñ jañ āinwōt kar nā eļāñne in kar riit nān koḡ jet iaan ļoḡk ko ilo bwebwenato eo ami. Kwomaroñ eñjake emḡool ko aer ak eļapļoḡk ilo ami kile tōmak eo me ekar kotake im rejtake er.

Rekar itok jān elōn wāween ko reļļap. Aolepeir kar jelmae mālejjoñ ko im bwil būro ko an mour in. Aer kijejeto kar itok jān tōmak eo nān jermal nān Irooj im ro jet ekar jab jipañ er bōbrae mālejjoñ ko an mour in bōtaab kajju nān anjo ioler. Jet iaer kar dik im jet iaer kar ritto. Rekar itok jān elōn aelōn ko im armej ro, āinwōt koḡ rainin. Bōtaab rekar juōn wōt ļōmḡak im bōro, im juōn wōt kōttōpar. Rekar kālet nān jipañ Irooj kalōk Zaion eo An, ijo emaroñ wor mḡoḡoḡo eo ie ilo an Bok in Mormon eo kar lukkuun kalikkar an kwaļoḡk kadkad in nān er. Koḡ ej kememej jet iaan iien ko jān 4 Nipai me rekar ļōmḡak kake ilo būruwāer jabdewōt jikin ko Irooj ej tōl ļoḡk er ilo iaļ eo aer nān Zaion:

“Im ilo iioō eo kein kajilñuul im jiljino, armej ro raar aolep oktaktok nān Irooj, ioon aolepān mejān āneo, jimor ri Nipai im ri Leman, im eaar ejjeļoḡk iakwālel ko im epeloñloñ ko ilubwilijier, im armej otemjej eaar kōmḡan jimwe nān eo juon.

“Im eaar aer men otemjej ilo ejjeļoḡk kalijeļoḡk; kōn menin eaar ejjeļoḡk mḡweie im jeramōl, kōmḡakoko im anemkwoj, a raar aolep anemkwoj, im ri bōk men in letok in lañ eo. ...

“Im eaar ejjeļoḡk jumae doon ilo āneo, kōnke iakwe eo an Anij eo eaar pād ilo buruōn armej ro.”²

Ro uwaan Douluul eo an Kōrā rekar jab deļoḡne juōn iien aenōmḡan. Bōtaab iḡkwe eo an Anij ekar pād ilo būruwāer. Im e—im er—kar niknik ilo iaļ eo aer rilik ļoḡk im ilo iiō ko rekar ļoortok. Kōn wōt iien ko reppen, elōn ļoḡk jān 40 iiō ko Douluul eo an Kōrā ekar bōjrak an jermal āinwōt juōn douluul ilo peļaaḡin Kabuñ in. Bōtaab ilo 1866 Brigham Young ekar kūr Eliza R. Snow nān jipañ bisop ro ilo karōk Douluul ko an Kōrā ro. Lio ekar kūr āinwōt karuo būreejtōn eo eutieḡ an Douluul eo an Kōrā ilo 1880. Rekoot in Douluul eo an Kōrā ej kwaļoḡk bwe ñe ritōl ro rej kepaak jejtōr ro ipeļaaḡin Kabuñ in nān jino kōmḡan jermal in Douluul eo an Kōrā, rej loe bwe iḡkwe emḡool ilo būruwāer kar jab makunļoḡk. Rekar wōnḡaanļoḡk im jipañ rijeramōl ro ilo tūriamḡo. Nān ro rekar tōmak wōt ilo bujen ko aer, menin letok in iḡkwe emḡool, iḡkwe eo erreō an Kraist, kar wōnḡaanļoḡk. Ekar aer wōt.

Ilo iiō ko rekar ļoortok, Douluul eo an Kōrā ro kar eddōkļoḡk ilo nōmḡba im ilo kajoor nān jermal nān riaikuj ro. Iumḡin tōl eo an kōrā ro eļap aer loļoḡkjen im maroñ, Douluul eo an Kōrā kar bōk imāan ilo ijjiino jermal in iḡkwe ko me ekar jab waļoḡk ilo āneo nān ro rej pād ilo aikuj. Rekar ejaake juōn aujpitōļ jiddik. Rekar jipañ kōrā ro ilo aer etal Iturear nān bōk kipel in takto nān jermal ilo aujpitōļ eo. Men in ekar ijjiino in juōn iaan aujpitōļ ko reļļap ilo Amedka.

Rekar ijjiino būrookraamḡ ko me ekar eromḡ ilo iiō ko tokālik būrookraamḡ ko an Family Service an Kabuñ in ipeļaaḡin laļin. Rekar ejaake juōn jikin kakkwōn mḡōñā eo emḡan me rekar maroñ in uwaake juōn kajjitōk in jipañ jān kien eo eutieḡ ilo juōn tōre in pata im jorrāan. Rekar jino ta eo

ekar erom̄ Piraimere im ta eo ekar erom̄ doulul eo n̄an jiroñ ro ilo Kabuñ in. Rekar ejaake aer make m̄akjiin eo n̄an kōrā ro. Rekar erom̄ juōn iaan doulul ko reļļaptata n̄an kōrā ilo ipeļaaikin laļin. Rekar barāinwōt pād ilo jermal in ritōl an doulul ko an kōrā ro ilo Amedka.

Doulul eo an Kōrā ro kar pād ilo būruwōn an ijino kajoor eo an Kabuñ in n̄an leļok humanitarian aid ipeļaaikin laļin. Ritōl in laļ ko, ke rekar lotok Utah, rekar kwaļok aer bwilōñ im nebar ta eo Kabuñ in ej kōm̄mane n̄an rijeram̄ol ro im armej ro rej jorrān jān tariṅae im lañ ko ipeļaaikin laļin. Menin letok ko rem̄mantata n̄an ro nejin Anij rej m̄ōttan ļok jolōt in niknik eo an Doulul eo an Kōrā ro.

Rikanaan Joseph Smith kar ba n̄an Doulul eo an Kōrā ilo kweilok ko aer jinoin bwe kain men kein rem̄mantata emaroñ itok jān jermal in tōmak ko aer. Ekar ba bwe Lerooj ro remaroñ itok n̄an ekkatak jān im erom̄ m̄ōttan jermal ko aer.³ Em̄oj aō loe an kanaan in kūrmoōl. Im imaroñ jeļā jān rekoot ko bwe juōn kallim̄ur in jeje ko rekwojarjar n̄an ro rej jermal n̄an Irooj ilo jermal eo An kar bar leļok n̄an ro jinoin ilo Doulul eo an Kōrā. Kallim̄ur in, leļok ilo Rikanaan Joseph Smith, ej ļok ilo 88 m̄weñan eo ilo Doctrine and Covenants. Ej kōnono kōn ro renaaj kūr n̄an jermal ippān E ilo buñ in tōprak ko:

“Im ear ba n̄an eo kein kajuōn: Kwon etal im jermal ilo meļaaaj eo, im awa eo kein kajuōn inaaaj iwōj ippam̄, im kwonaaj lo *lañlōñ* in paaktokū.

“Im ear ba n̄an eo kein karuo: Kwon bar etal ilo meļaaaj eo, im ilo awa eo kein karuo inaaaj iwōj n̄an eok kōn *lañlōñ* in paaktokū.

“Im bar n̄an eo kein kajilu, eba: Inaaaj lowaj eok;

“Im n̄an eo kein kaemān, im āindein n̄an eo kein kajoñoul ruo.

“Im Irooj eo an meļaaaj eo ekar etal ippān eo kein kajuōn ilo awa eo kein kajuōn, im pād ippān aolepen awa eo, im rijermal eo ekar kōm̄man *m̄ōñōñō* kōn meram in paaktokin irooj eo an.”⁴

Ej alikkar jān rekoot ko raar likūti bwe kōrā ro ilo tōre eo kein kajuōn an Doulul eo an Kōrā ro kar eñjake lañlōñ eo Irooj ear kallim̄ur. Ekar pād ilo jermal eo ippāer. Ekar uunmaanļok, im rekar eñjake lañlōñ im meram.

Bōtaab Rikanaan Joseph ear loe bwe bar juōn tōre enaaaj ļoortok. Ear loe jermal ko reļļap remaroñ kalōki ilo tōre eo kein kajuōn. Bōtaab eaar barāinwōt ba bwe rekar aikuļ in kar jermal, kōjeraam̄man, im kea kake ro repaake er, jeļā kake er jān ippān ro rej jipañ er.

Ālikin juōn iien lañlōñ in jermal n̄an Doulul eo an Kōrā ro, Irooj ekar tōl er n̄an bar juōn tōre, ļok wōt jān būrojāāk ko ekar lukkuun em̄man aer kar jermal ie. Ijeļā ekar pen n̄an em̄maan ro rekar jolōte, jikin aujpitōļ eo rekar kōļapļok ioon pedped eo eaar ekkal jān Doulul eo an Kōrā. Irooj, kōn rikanaan ro An, kar kalikkare bwe rijermal in priesthood eo An remaroñ bōk lōke in jerbale im kalōke jikin aujpitōļ n̄an em̄man eo n̄an ro jet. Im āindein Kabuñ in ekar leļok kein kam̄adm̄od an aujpitōļ ko an rem̄mantata.

Ijeļā im nebare emṡaan ro rekar eņjake laņlōņ in jermal ilo jikin aujpitōļ in. Im ij loe kile ko aer bwe laņlōņ ekar itok jān aer pād ilo jermal eo ippān Irooj, jab jān tōprak ko aer make. Āindein rekar ettōndikdik im leļok ilo mōņōņō ta eo rekar kalōke. Rekar tōmak bwe Irooj ear loe juōn aikuj eļapļok nān jermal ko aer ilo ijoko jet, ilo meļaaļ ko jet ilo bar juōn tōre.

Juōn mōttan eaorōk kōn jolōt an Doulul eo an Kōrā eo ami ej bwe ejja tōmak in ilo būruwōn ritōļ ro im ro uwaan Doulul eo an Kōrā ro. Irooj ekar jeļā ijo taļōn ko aer reļļap maroņ in aikuji ilo bar juōn tōre im ijo remaroņ loe juōn laņlōņ eo me eļapļok jān ilo jikin jermal ko reļļap, im aiboojoj rekar ijino im kar kalōke.

Kabuņ in ekar ļapļok an eddōkļok im tōpar ipeļaaķin laļin. Jermal ko Doulul eo an Kōrā rekar ejaaki kar jino in aikuji kein jermal ko reļļap im aolep iien lale ilo juōn Kabuņ eo edepakpakļok im juōn laļ eo eļapļok jorrāān ie. Kōjermal būrojāāķ ko reļļap im raorōk kar kadikļok iien ko an kajjojo ritōļ ro im ro uwaan Doulul eo an Kōrā ro nān aer eņjake laņlōņ in jermal nān kajjojo armej nān im ippān Irooj.

Ānān juōn tōre ekāāl, Irooj ekar kōpooj aer iien emṡan kadede ilo ijo jikin. Wāween jermal eo wōt emaroņ leļok jipaņ im kaenōmṡan ipeļaaķin juōn kabuņ eo eļap ilo juōn laļ eo eobrak emaroņ in kōn kajjojo rijermal ro repaake armej ro ilo aikuj. Irooj ekar loe men in an itok jān ijino eo an Doulul eo an Kōrā.

Ekar kōmṡane juōn joņak ijo. Ruo jejtōr roan Doulul eo an Kōrā rekar bōķ ijitōņ ko aer nān loļok bar juōn āinwōt juōn kūr jān Irooj. Men in ekar mōol jān jinoin. Opiija ro ilo Doulul eo an Kōrā kar karōķ ro uwaan me rekar jeļā ewor aer tōmak nān leļok jermal me ekar ļap jān kajoor eo an ruo rikaki in loļok ko kar jitōņ er. Ekar aolep iien epaake mṡweo, ilubwilijin kadkad ko. Ro uwaan rej katakin gospel eo ilo kweilok ko im kwaļok kaṡool kōn Rilomor eo im kōn Jeļlaaktok eo. Leddik ro rej lale ro jineer. Mama ro rej roņjake, katakin, im kea kake leddik ro nejier.

Ro uwaan Doulul eo an Kōrā ro aolep iien rej lōķe jān jabōt ro an priesthood. Aolep bisop im aolep būreejtōn an branch ewōr an būreejtōn in Doulul eo an Kōrā ro nān pedped ioon. Kōrā eo ewōr an rūkaki in loļok ko, me rejeļā kake mālejoņ ko im aikuj ko an aolep jejtōr. Lio emaroņ, kōn er, jeļā būruwōn kajjojo armej im baamļe ko. Lio emaroņ kate aikuj ko im jipaņ bisop eo ilo kūr eo an nān kaajiriri kajjojo armej im baamļe ko.

Juōn mōttan aiboojoj an jolōt eo an Doulul eo an Kōrā ro ej kaṡool ilo wāween an priesthood eo kwaļok an kautiej im bar bōķe jān Doulul eo an Kōrā ro. Emōj aō loe āinwōt ami kar loe. Bisop eo an baamļe eo aō ear ba nān nā iio ko mōkta, kōn juōn ettōndikdik, “Etke nē ij etal nān juōn armej in aikuj ilo ward eo, lio pāleem aolep iien emōj an kar pād ie mōkta jān nā?” Aolep bisop im būreejtōn an branch kōn jabdewōt imminene kar eņjake uunṡaanļok in imṡwe in waanjoņak jān jejtōr ro an Doulul eo an Kōrā. Rej jipaņ kōj kememej men in nān aolep, jimor kōrā im emṡaan, enaaj ejjeļok lomor ilo an ejjeļok jermal in iqķwe.

Komṡ ro reritto komij kememej Būreejtōn Marion G. Romney an ālij eon in iien eo ekar ba ekar āinwōt kālet āinwōt an jejtōr ro nān lukkuun tōmak ilo leļok jermal in. E ekar āļiji Kiiņ Benjamin:

“Im kiiō, kōn kilaan men kein iaar kōnono nān komꞥ—ēnin, kōn kilaan dāpij jeorlōk eo kōn jerawiwi ko ami jān raan nān raan, bwe komꞥin maroñ etetal ilo ejjeļōk ruōmi imāan Anij—ikōṇaan bwe komꞥin leļōk mōttan mꞥweiuk ko ami nān ro ri jeramōl, kajjojo armej ekkar nān men eo ewōr ippān, āinwōt najdik ri kwōle, kanuknuk ri kelwaan, loļōk ri nañinmej im leļōk nān er rōļōk, jimor ilo jetōb im kanniōk, ekkar nān kōṇaan ko aer.”⁵ Wūn eo būreejtōn Romney ekar ettōndikdik, eļaññe ij kememej an kar kōmꞥmane, eaar ba eaar lukkun kōṇaan kwaļōk jerawiwi ko an. Im eaar ļōmṇak en kar kobaļōk ippān jejtōr ro ilo jerbal in jipañ ko aer emaroñ kar kōmꞥmane.

Kiiō ej iien kōnono kōn ta eo komꞥij aikuj kōmꞥmane nān lelaļļōk jolōt in aiboojoj im ekwojarjar an Doulul eo an Kōrā nān ro renaaj ļoore komꞥ. Enaaj bōk men ko reddik im repidodo. Kememej wōt bwebwenato eo ej ito itak jān būro nān būro. Iqkwe emool, iqkwe eo erre an Kraist, ej mōttan oktak in būro eo eļap me Irooj ear kallimur nān rikaļoor ro An. Kiiō ejjab pen nān loe men ko repidodo komꞥ maroñ im aikuj kōmꞥmani nān lemaañļōk jolōt eo.

Bwe en jokin wōt juōn, kajjojo iien komꞥ im ro mōttami en kōpopo nān etal im katakin loļōk, komꞥij aikuj in kememej naaj ta tōprak eo. Enaaj ļapļōk jān deļoñe ļōk kōjemꞥ eo. Enaaj ļapļōk jān leļōk juōn ennaan. Enaaj ļapļōk jān kajjitōk wāween ami maroñ jipañ. Tōprak enaaj itok bōlen wōt ālikin elōñ iien loļōk ko. Im komꞥ maroñ jab loe ilo laļin menin kaṇool ko me komꞥ kar kōtōpraki. Bōtaab komꞥ maroñ eñjake kōn Jetōb eļaññe komꞥij ilōk ilo iaļ eo ļōk.

Iaar kōnono ippān juōn uwaan Doulul eo an Kōrā ro kōn juōn loļōk eo ekar kōmꞥmane. Ekar nān juōn kōrā eo ejidimkij im kabūromōj an jako ļeo pāleen. Ilo iiō ko mōkta kōrā eo ekar jakkwutkwut an kōnono ippān Doulul eo an Kōrā ro.

Riloļōk eo kar kōpopo ilo an bōjrak ilo juōn mōn wia nān wia wut ko. Ekar juōn tōre im wut ko rej ekkarōk nān wia kaki ilo elōñ kōļar ko. Lio ekar kālet juōn kōļar, emṇan ippān, bōtaab ekar eñjake nān kajjeoñe bar juōn. Ekar jab jeļā etke ekar kālet iaļo, ak ear kōmꞥmane.

Ke ekar leļōk wut iaļo ko ilo kōjem eo, kōrā eo ear ettōndikdik im ba, “Itok. Lale jikin kallip e aō turilik.” Ekar obrak kōn wut iaļo ko ilo aer lukkuun ebbōl. Kōrā eo eba, “Ikar baj ļōmṇak eļaññe ij aikuj mꞥwijit jet nān mꞥweo. Bōtaab kiiō imaroñ likūti er im lañlōñ kake er bar jidik ilo jikin kallip e aō kōnke kwar bōktok nān nā men kein.” Rekar emṇan aer bwebwenato āinwōt ñe rekar mōttā jān mōkta. Jān eñjake eo nān bōktok jet wut im nān kālet wut iaļo, rikaki in loļōk in ekar kaṇoole bwe ekar pād ilo jerbal eo an Irooj. Ke lio ear ba nān eō, imaroñ in roñ lañlōñ eo ilo ainikien.

Ke ekar kōnono ippa, lio ekar jab jeļā ta eo kōrā eo emej pāleen kar eñjake ālikin loļōk eo. Ak ñe kōrā eo emej pāleen kar eñjake bwe Anij ej iqkwe e im bwe Eaar jilkin juōn enjeļ nān e, rikaki in loļōk eo ekar jipañ e wōnmaañļōk ilo iaļ eo nān tōprak ilo mejen Irooj. Riloļōk in emaroñ wōt katak kōn tōprak eo jān an kijejeto ilo tōmak ilo laļ eo ej itok. Men in ej mool nān ruo rikaki in loļōk ro rej bar im bar bōkļōk iqkwe nān bar juōn kōrā eo emej pāleen epaak ilo juōn imōn nūuj iumꞥin ruatijuōn iiō ko. Ālikin mālejoñ ko reppen, ekar jako jet wiik ko ļōk. Jān aō kar jeļā jān ippān juōn nejin kōrā eo, ij lōke bwe rikaki ro rekar kōmꞥman tōprak. Renaaj wor aer imminene in mōṇṇōṇō eo jinen Rikanaan Joseph Smith ear kwaļōk kadkad in nān jejtōr ro ilo juōn kweilōk an.

Lio ear ba, “Jei aikuj mōñōñō kake doon [im] lale doon, kaenōmman doon im bōk kōmelele ko bwe jen maroñ aolep jijet ippān doon ilo lañ.”⁶

Komij lelaļļok jolōt eo ilo ami jipañ ro jet bōk menin letok eo an iøkwe emool ilo būruwāer. Renaaj tokālik maroñ in lelaļļok ñan ro jet. Bwebwenato in Douluul eo an Kōrā ej rekoot ilo naan ko im bwinbwin ko, ak rej leļok jān būro ñan bōro. Eñiin ej wāween an baamle ko āinwōt menin jipañ ko ñan Douluul eo an Kōrā ro.

Jinō ekar letok juōn piin jiddik kōn naan ko “Iøkwe Emool Ej Jamin Jako” ilo ioon. Jejtōr Beck ekar letok ñan ña men in edik ñan aō marmar kake.

Jolōt in niknik eo jinō ekar leļok ñan baamle eo an eaar ļaplok jān piin eo. Ekar iøkwe eo an im iøkwe eo an Irooj, me iaar loe im eñjake ilo men ko repidodo ekar kōmmani, leļok ilo iøkwe kōn E. Ekar juōn kōrā in Douluul eo an Kōrā ro. Jinō ekar ejeļok nejin leddik, ak lio pāleeō ekar lelaļļok jolōt eo ñan ruo nejmro leddik. Im renaaj kōjparok an mour ilo būruwōn ro jet. Enaaj niknik kōnke iøkwe emool ej jamin jako.

Ij kamool bwe iøkwe emool ej iøkwe eo erre an Kraist. Ej mour. Ilo ad jermal ñan ro jet ippān E, jej eñjake lañlōñ eo An. Kōn Pinmuur eo An E ekar kōmman bwe jen maroñ kajjitōk kōn im bōk menin letok eo an iøkwe emool. Ijeļā bwe Jemed ej mour im ej uwaake jar ko ad. Komij ro uwaan juōn Douluul eo kar loe im karōke ilo iaļ eo an jān ippān Rikanaan eo an Jepļaaktok eo, Joseph Smith. Jejtōr Beck im rikakpilōklōk ro an kar kūr er kōn imōke eo jān Anij, me kar letok ñan juōn rikanaan emour. Ijeļā bwe men in ej mool.

Ewōr ami juōn jolōt eo eaiboojoj. Ij jar ñan Anij bwe Enaaj imwe kom ñan kōjparoke im lelaļļok āinwōt juōn jolōt ñan kōjeraamman im bōktok lañlōñ ñan ro ilo epepen ko im tōre ko rej itok. Ilo et eo ekwojarjar etan Jisōs Kraist, eo jej jermal ñan e, amen.

KAKEMEMEJ KO

1. 1 Dri Korint 13:8; Moronai 7:46.
2. 4 Nipai 1:2–3, 15.
3. Lale Relief Society, Minute Book Mar. 1842–Mar. 1844, entry for Eprōļ. 28, 1842, Church History Library, Salt Lake City, 39.
4. D&C 88:52–56; kwaļok kakobaba.
5. Mosaia 4:26.
6. Lucy Mack Smith, ilo Douluul eo Kōrā ro, Minute Book Maaj. 1842–Maaj. 1844, entry for Maaj. 24, 1842, 18–19.